

Neimhchiontach mheise, a mhic Taidhg

[McKenna, L.: *Aithdiogluim Dána* (Irish Texts Society, vols 37, 40, 1939/40), poem 34]

Eochaidh Ó hEoghusa cct.

1 Neimhchiontach mheise, a mhic Taidhg,  
sighin Chríost fad ghnúis ghealaírd;  
rún th'anfholaídh cia nach cluin  
Dia dhar n-anoghal oruibh.

2 A-deardaois daoine rinne  
re bhfaghtar fios t'inntinne  
gomadh dobhuidheach dhíom sibh,  
a ghríobh oruireach Uisnigh.

3 Fáth oirbhire ret fholt gcas  
ní háil re Dia go ndearnas  
far ghuais liomsa t'fhearg d'adhuint;  
ionnsa an chealg i gcontabhairt.

4 Acht a-mháin nach móir an guth  
re mbeadhgann an fhuil uabhrach,  
beag a dhíol imdheargtha ó fhior,  
inbheanta dhíom a ndlighthior.

5 Dá ndearguinn do dhreich ngairthe  
d'fhoiléim fhocuil mhearuighthe  
cár bheag dhuid aithmhéala inn?  
tuig go n-aithréagha mh'inntinn.

6 Do loigheadh mh'aithne oruibh  
an chéaduair, a Chonchubhuir,  
a ghruaidh chraobhnár mar chrithre;  
saobhghlár uaim níor bh'airighthe.

7 Dá mbeith fós t'aithne aguinn  
níor gheall mé, a óig abhradhdúinn,  
gan bhuan go radhána ribh,  
a bharánda sluaigh Sligigh.

8 Gnáth aguinne an t-aos dána  
bheith aindlightheach andána  
ar shluagh Mhúir mheidhealtruim mBreagh  
is eineaclainn dúinn fa dheireadh.

9 Dá leantaoi ar n-éagcóir oruinn  
feadh Bhanbha an bhruaigh ealamhuiill

tearc nach biadh go diomdhach dhíom  
riamh tre ionnlach na n-airdríogh.

10 Mór ngríosacht a ngruadh gcrithreach  
tug ollamh go haindlightheach  
feadh sróllBhanbha na són mbog  
do mhórdhamhna ríogh romhod.

11 Mac Liag nach lór dod chealgadh  
minic tráth tug imdheargadh  
do Bhrian go n-a mhórchlainn mhir  
na lóchrainn ó iath Fheimhin.

12 Minic bhós do bhean Cathbaidh  
- creidte dod chéibh órbhachlaigh -  
luisne i ngruadhaibh fhian Uladh  
riamh d'uamhain na healadhan.

13 A mhic Taidhg, nach tuigeann sibh  
ar mbeith riamh ó ré an chéidfhir  
cuire seang do uaisligh ionn  
teann ar uaislibh na hÉirionn.

14 Go háiridhe t'fhuilse féin  
tearc aoinneach do fhás díbhséin  
laoich ón Bhóinn bhailbhrighin mhir  
nach dóigh aindlighidh d'éigsibh.

15 Mar sin as seachanta dhuid  
mise mar chéile comhruig;  
ná lean díom i n-a ndearnas  
gidh eadh bíom fad bhreitheamhnas.

16 Córuide dhúinn, a dhearc mhall,  
gan dul ó chéile i gcumann;  
ní fhuil lí mh'imdheargtha ort  
ní ní as inleanta a n-éabhort.

17 Nír cháineas, a chruth gealtas,  
clú th'oinigh ná th'oirdhearcais  
- cár bheag so uaimse dh'umhla? -  
nó no uaisle th'athardha.

18 A bhuidhe re Dia na ndúl,  
nír cháineas an cún barrúr  
ná an aghaidh mar chaoir gceardcha  
ná an malaidh gcaoil gcoinneallta.

19 Ná an súil gcuirr chealgas maighdin,

ná an ghlún nar fheac d'easgcairdibh,  
ná an taobh soghráidh slisgheal slim  
mar shlisneadh orláir fhuinnsin.

20 Aithnim adhbhar do throda  
riom, a mheic Mheic Diarmoda,  
ní fhuil acht ag seilg mholta;  
ná bí ret fheirg n-ábochta.

21 Dáilfiod duit - bidh díol cubhuidh -  
sgoth mo cheirde, a Chonchubhuir,  
mar dhíol im anachuin ort,  
a ghríobh chladhachuidh Chonnocht.

22 Buain t'fheirge dot aghuidh dhuinn  
biaidh uaimse ar inghin Domhnuill;  
's í aineoghas ar t'fheirg mhé  
gan cheilg laibheoras linne.

23 Déanta dhuitse a ndéanadh sin  
nír ghnáth re hAodh Mhág Uidhir  
bheith i bhfeirg dá ríribh rom  
mílidh gan cheilg 'n-a chumonn. Neimhchiontach.